

তারিখ: মে ০৪, ২০১৬

প্রেস বিজ্ঞপ্তি

আজ মে ০৪, ২০১৬ তারিখে প্রধান মন্ত্রীর কার্যালয়ে বাংলাদেশ সরকার ও Kuwait Fund for Arab Economic Development (KFAED)-এর মধ্যে “বরিশাল-পটুয়াখালী মহাসড়কে পায়রা নদীর উপর লেবুখালী সেতু নির্মাণ” শীর্ষক প্রকল্পে অর্থায়নের লক্ষ্যে একটি ঋণচুক্তি স্বাক্ষরিত হয়। এটি প্রকল্পটির অনুকূলে কুয়েত ফান্ডের সাথে স্বাক্ষরিত ২য় ঋণচুক্তি। এ চুক্তির আওতায় কুয়েত ফান্ড বাংলাদেশকে ১৫.০০ মি. কুয়েতি দিনার (সমতুল্য ৫০ মি.মা.ডলার) ঋণ প্রদান করবে। উল্লেখ্য, ইতোপূর্বে গত মার্চ ১৩, ২০১২ তারিখে কুয়েত ফান্ডের সাথে ১৪.০০ মি. কুয়েতি দিনার (সমতুল্য ৪৮.০০ মি.মা.ডলার)-এর ১ম ঋণচুক্তিটি স্বাক্ষরিত হয়।

২। বাংলাদেশ সরকারের পক্ষে অর্থনৈতিক সম্পর্ক বিভাগের অতিরিক্ত সচিব (প্রশাসন ও মধ্যপ্রাচ্য), মিজ মাহমুদা বেগম এবং কুয়েত ফান্ডের পক্ষে সংস্থার মহাপরিচালক, Mr. Abdul Wahab Al-Bader চুক্তিতে স্বাক্ষর করেন। উক্ত চুক্তি স্বাক্ষর অনুষ্ঠানে বাংলাদেশের মাননীয় প্রধান মন্ত্রী শেখ হাসিনা, কুয়েতের মাননীয় প্রধান মন্ত্রী Mr. Jaber Al-Mubarak Al-Hamad Al-Sabah এবং উভয় দেশের সংশ্লিষ্ট উর্ধ্বতন কর্মকর্তাগণ উপস্থিত ছিলেন।

৩। সড়ক পরিবহন ও সেতু মন্ত্রণালয়ের আওতাধীন সড়ক পরিবহন ও মহাসড়ক বিভাগের অধীনে সড়ক ও জনপথ অধিদপ্তর প্রকল্পটি বাস্তবায়ন করছে। প্রকল্পের মূল লক্ষ্য হচ্ছে বরিশাল-পটুয়াখালী জেলার বাকেরগঞ্জ-দুমকী উপজেলার লেবুখালী অঞ্চলে পায়রা নদীতে ১৪৭০ মিটার প্রশস্ত চার লেন বিশিষ্ট সেতু নির্মাণ। প্রকল্পটি বাস্তবায়িত হলে দেশের দক্ষিণাঞ্চলের সঙ্গে রাজধানী ঢাকার সড়ক যোগাযোগ প্রতিষ্ঠার মাধ্যমে দেশের অন্যতম পর্যটন এলাকা কুয়াকাটায় ভ্রমণ সহজতর হবে। এর মাধ্যমে দক্ষিণাঞ্চলের জনসাধারণের যাতায়াতের দুর্ভোগ লাঘব এবং বাংলাদেশের অর্থনৈতিক কর্মকাণ্ডের পরিধি সম্প্রসারিত হবে। দেশের দক্ষিণাঞ্চলের জনগণের উন্নয়নে মাননীয় প্রধানমন্ত্রীর প্রতিশ্রুত প্রকল্প হিসেবে অর্থনৈতিক সম্পর্ক বিভাগসহ সংশ্লিষ্ট বিভাগ/সংস্থা প্রকল্পটি দ্রুত বাস্তবায়নে সচেষ্ট রয়েছে।

৪। কুয়েত ফান্ড বাংলাদেশের উন্নয়নে দীর্ঘদিনের পরিস্ফীত বন্ধুপ্রতীম উন্নয়ন সহযোগী। ১৯৭৪-৭৫ অর্থ বছর থেকে সংস্থাটি বাংলাদেশের উন্নয়ন কর্মকাণ্ডে বিশেষত সড়ক পরিবহন ও বিদ্যুৎ খাতের উন্নয়নে আর্থিক সহায়তা প্রদান করে আসছে। অদ্যবধি কুয়েত ফান্ডের আর্থিক সহায়তায় ২০টি প্রকল্পের বাস্তবায়ন সম্পন্ন হয়েছে। চুক্তি স্বাক্ষর অনুষ্ঠানে উভয় পক্ষ আশাবাদ ব্যক্ত করে যে, বন্ধুপ্রতীম দু’দেশের মধ্যে দ্বিপাক্ষিক উন্নয়নে ক্ষেত্রে ভবিষ্যতে সহযোগিতা উত্তরোত্তর বৃদ্ধি পাবে।


ফয়সল জহর
সহকারী প্রধান
মধ্যপ্রাচ্য-৩ শাখা
ফোনঃ ৯১৮০৭৬৭